

洪憲元年一月二十三日 星期日 第十八號

政事堂印鑄局發行

北京東長安牌樓王府井大街
電話東局二百零一號

政報

統籌辦事處

本報價目

- 一本報按照陽曆每日出報一號
 - 一定購三月者收回大洋二元三毛
 - 一定購半年者收回大洋八元
 - 一定購一年者收回大洋十八元
 - 一外埠購報每半年加郵費洋一元
 - 一裝訂每月收回大洋一毛五分不裝訂者聽
 - 一零售每號銅元五枚以本日為限
 - 一定購一月者收回大洋八毛
 - 一定購半年者收回大洋四元五毛
- 如送報夫役私自加價請告知本局以便查究是為至要

目錄

命令

奏摺

憲政協進會參議江蘇鹽城縣農商學會總代表馬為璣奏國體決定逆黨竊竊請速正大位以杜奸謀而慰民望摺
 國務卿奏據銜叙局詳稱多倫稅務監督周蘭田擬請准予緩親摺
 國務卿奏據銜叙局詳稱核議江西贛東清鄉案內出力人員方本仁等勳章請訓示摺(附單)
 內務部奏河南省會警察廳處委各職員請予分別叙官摺
 內務部奏河南鄆陵縣知事陳壽芝獲犯迅速舉章擬獎摺
 內務部奏遵核江蘇省請獎賑出力人員孫聚鈞等均以縣佐任用摺
 內務部奏上海救火聯合會成效卓著懇頒匾額並獎給會長毛經壽警察獎章摺
 財政部奏派員兼代稅運墾務局總辦摺
 陸軍部奏飭黨嫌疑犯賈瑞五悔罪自首據情懇請特赦摺
 陸軍部奏請給陝西陸軍測量局校各員雷龍錫等獎章摺(附單)
 陸軍部奏請簡明羽林為陸軍混成旅步兵團團長并緩覲見摺
 陸軍部奏軍官李廣田等因公死傷請照章給卹摺
 陸軍部奏請補黃鑑為陸軍步兵上尉摺
 司法部奏據報甘肅高等檢察廳檢察官彭立本因公病故擬照章給予一次遺族卹金摺
 教育部奏擬請酌給本部及各省廳職員陳高成等卹章摺
 參議院奏年班人員孔德克員子德克勤爾扎那等不克來京

值班懇請給假摺

京兆尹王達奏遵擬京尹地方自治事宜施行期限請示摺

河南巡按使會辦單務出文烈奏續查前清各縣交代因公虧欠各款撥案懇請豁免以示矜恤摺

雲南巡按使任可澄呈為昆明文山宣威等縣因災瀕緩餉遵例蒙案繕具清單仰祈鈞鑒文並 批令

司法部奏據情轉報湖南福建三省高等審檢廳長凌士鈞等繼續任事日期並感激下忱摺

更正

公電

南京馮國璋電奏
 徐州帥電奏
 成都陳宦來電
 福建李厚基等電奏
 吉林孟恩遠等來電
 鄭州徐占鳳電奏
 杭州陸軍第六師等電奏
 開封唐天喜等電奏
 曹州方玉普來電
 澧州王正雅來電
 廣東蔡乃煌等電奏
 南京馮國璋電奏
 齊耀琳電奏

廣告

政事堂奉
策令王學彥給予三等嘉禾章此令

政事
堂印

洪憲元年一月二十二日

國務卿陸徵祥

政事堂奉

策令黃芝瑞潘齡皋陳必淮均給予三等嘉禾章此令

政事
堂印

洪憲元年一月二十二日

國務卿陸徵祥

政事堂奉

策令陳文璋給予三等嘉禾章傅定祥胡璧給予四等嘉禾章此令

政事
堂印

洪憲元年一月二十二日

國務卿陸徵祥

政事堂奉

策令日本國陸軍憲兵中佐峯幸松給予三等文虎章此令

政事堂印

洪憲元年一月二十二日

國務卿陸徵祥

政事堂奉

策令胡商彝楊慶鑒均給予三等文虎章此令

政事堂印

洪憲元年一月二十二日

國務卿陸徵祥

政事堂奉

策令日本國臨時駐濟辦事員渡賴二郎給予四等文虎章此令

政事堂印

洪憲元年一月二十二日

國務卿陸徵祥

政事堂奉

策令日本國陸軍憲兵大尉平野中藏給予五等文虎章此令

政事堂印

洪憲元年一月二十二日

國務卿陸徵祥

政事堂奉

策令任居建給予五等文虎章此令

政事堂印

洪憲元年一月二十二日

國務卿陸徵祥

政事堂奉

策令任命蘇木巴爾巴圖為伊克昭盟備兵扎薩克此令

政事堂印

洪憲元年一月二十二日

國務卿陸徵祥

政事堂奉

策令任命承善為呼倫貝爾副都統公署左廳廳長承瑞為呼倫貝爾副都統公署右廳廳長

成志精均授爲中大夫並加上大夫銜范超元唐福懋聯成安西華奚以莊林桂昌均授爲中大夫江裕授爲少大夫張建功江朝棟均授爲上士此令

政事
堂印

洪憲元年一月二十二日

國務卿陸徵祥

政事堂奉

策令國務卿奏據銓叙局詳稱遵核松滬護軍使署軍法處長王吉檀在事出力請准予叙官以資獎勵等語王吉檀授爲少大夫此令

政事
堂印

洪憲元年一月二十二日

國務卿陸徵祥

政事堂奉

策令陸軍部奏請揀派團附員缺應准以王新續充任陸軍第十一師步兵第四十一團團附此令

政事
堂印

洪憲元年一月二十二日

政事堂奉

策令陸軍部奏請任命胡忠相署貴州陸軍步兵第六團團附應照准此令

政事堂印

國務卿陸徵祥

洪憲元年一月二十二日

政事堂奉

策令陸軍部奏請將楊春巖授為陸軍步兵中校應照准此令

政事堂印

國務卿陸徵祥

洪憲元年一月二十二日

政事堂奉

策令陸軍部奏請將劉鴻文武凱勳均授為陸軍步兵少校應照准此令

政事堂印

國務卿陸徵祥

洪憲元年一月二十二日

政事堂奉

國務卿陸徵祥

營長此令

政事堂印

洪憲元年一月二十二日

國務卿陸徵祥

政事堂奉

策令蒙藏院奏准哲里木盟盟長郡王齊莫特散帛勒等咨請以朗保林沁補科爾沁右翼前旗協理台吉應照准此令

政事堂印

洪憲元年一月二十二日

國務卿陸徵祥

政事堂奉

申令司法部奏陝西鄜縣監犯袁忠悛悔有據請予特赦等語應援照約法第二十八條特赦袁忠免其執行此令

政事堂印

洪憲元年一月二十二日

國務卿陸徵祥

參政院奏速記領班蔡璋等擬請作為委任待遇並分別叙官由
政事堂奉

批令交政事堂飭銓叙局核叙單並發此令

政事
堂印

洪憲元年一月二十二日

國務卿陸徵祥

國務卿奏據銓叙局詳稱遵核步軍統領衙門薦委待遇人員資格請予叙官由
政事堂奉

批令容賢等已另有令明發其曹本源等均准如擬授官單并發此令

政事
堂印

洪憲元年一月二十二日

國務卿陸徵祥

國務卿奏據銓叙局詳稱遵核收回肇和兵艦出力之王吉檀楊春元二員請准予獎叙
實官由

政事堂奉

政事堂印

洪憲元年一月二十二日

國務卿陸徵祥

國務卿奏新疆財政廳廳長潘震等擬請緩覲由

政事堂奉

批令潘震等均准緩覲此令

政事堂印

洪憲元年一月二十二日

國務卿陸徵祥

內務部奏揀員懇請任命呼倫貝爾副都統公署左右廳廳長並定為簡任由

政事堂奉

批令承善等已有令任命並准其定為簡任職此令

政事堂印

洪憲元年一月二十二日

國務卿陸徵祥

內務部奏遵核定武上將軍張勳請獎海沐各屬剿匪出力人員姚景羲等分別擬獎由

政事堂奉

批令准如所擬分別任用卽由該部照章分發單存此令

政事堂印

洪憲元年一月二十二日

國務卿陸徵祥

內務部奏北京自來水公司經理陳功偉等熱心公益擬請給予警察獎章以資觀感由

政事堂奉

批令准如所擬給獎此令

政事堂印

洪憲元年一月二十二日

國務卿陸徵祥

財政部奏長沙關監督劉道仁奉令嘉獎代陳謝悃由

政事堂奉

批令悉此令

政事堂印

財政總長兼鹽務署督辦周學熙奏覈准免試縣知事吳祖恩現任兩淮鹽務要職擬請
免予考詢先行分發並緩覲由

政事堂奉

批令吳祖恩既係現任要職應准免其考詢先行分發任用並准緩覲交內務部查照辦理此
令

政事
堂印

洪憲元年一月二十二日

國務卿陸徵祥

陸軍部奏無綫電報第一所所長陳厚餘等辦事成績卓著擬請給予獎章由

政事堂奉

批令准如所擬給獎此令

政事
堂印

洪憲元年一月二十二日

國務卿陸徵祥

陸軍部奏陸軍簡薦各職人員伍祥楨等可否暫緩覲見由

政事堂奉

批令伍祥楨等均准緩覲單存此令

政事堂印

洪憲元年一月二十二日

國務卿陸徵祥

陸軍部奏覆核奉省訊明偽造紙幣人犯劉朗軒等依律判刑由
政事堂奉

批令准如所擬執行即由該部轉行遵照並交財政司法兩部查照此令

政事堂印

洪憲元年一月二十二日

國務卿陸徵祥

司法部奏彙報直隸山東兩省死刑案件由
政事堂奉

批令准如所擬執行即由該部分行遵照單存此令

政事堂印

洪憲元年一月二十二日

國務卿陸徵祥

司法部奏彙報道縣山東兩省死刑案件由

政事堂奉

批令准如所擬執行即由該部分行遵照單存此令

政事堂印

洪憲元年一月二十二日

國務卿陸徵祥

交通部奏湘路接收事竣出力人員請獎由

政事堂奉

批令陳文璋等已有令明發餘如所擬分別給獎交政事堂飭銓叙局查照單并發此令

政事堂印

洪憲元年一月二十二日

國務卿陸徵祥

蒙藏院奏轉報商卓特巴扎薩克喇嘛阿噶旺彥林不勒覲賀事竣回旗整頓廟務並赴

外蒙車臣汗盟調查屬廟應飭妥慎辦理情形由

政事堂奉

批令悉此令

政事堂印

洪憲元年一月二十二日

國務卿陸徵祥

京兆尹王達奏會辦京兆經界事宜恭陳謝悃由
政事堂奉

批令悉此令

政事堂印

洪憲元年一月二十二日

國務卿陸徵祥

靖武將軍督理湖南軍務湯鄉銘奏民國四年九月分據所屬各軍隊辦理盜匪案件執行死刑人數遵章列表彙報由

政事堂奉

批令悉交內務陸軍司法三部查照表並發此令

政事堂印

洪憲元年一月二十二日

國務卿陸徵祥

福建巡按使許世英
福建護軍使李厚基
奏辦理國民代表大會開支經費繕單請鑒由

政事堂奉

批令交財政部審計院查照核銷單並發此令

政事堂印

洪憲元年一月二十二日

國務卿陸徵祥

一等男福建巡按使許世英奏封爵謝恩由

政事堂奉

批令悉此令

政事堂印

洪憲元年一月二十二日

國務卿陸徵祥

福建巡按使許世英奏出巡經費溢支款項遵照部咨設法彌補並請將准支之數抵解

京款乞訓示由

政事堂奉

批令交財政部審計院查照此令

政事堂印

洪憲元年一月二十二日

國務卿陸徵祥

山西巡按使金永奏奉頒宸翰謝恩由

政事堂奉

批令悉此令

政事堂印

洪憲元年一月二十二日

國務卿陸徵祥

山西巡按使金永奏前署平定縣知事吉廷彥等政蹟卓著懇請送部帶覲由

政事堂奉

批令吉廷彥張之仲准其送覲交內務部查照並由政事堂飭銓叙局查照此令

政事堂印

洪憲元年一月二十二日

國務卿陸徵祥

山西巡按使金永奏彙報四年十一月二十二日分委署各縣知事員缺繕單請鑒由

政事堂奉

批令悉交內務部查照並由政事堂飭銓叙局查照單並發此令

政事堂印

洪憲元年一月二十二日

國務卿陸徵祥

一等子將軍銜督理甘肅軍務巡按使張廣建奏封爵謝恩由

政事堂奉

批令悉此令

政事堂印

洪憲元年一月二十二日

國務卿陸徵祥

將軍銜督理甘肅軍務巡按使張廣建奏為續報靈武文縣民國四年秋禾被水被旱成

災飭委復勘辦理情形祈鑒由

政事堂奉

批令悉交內務財政兩部查照此令

政事堂印

洪憲元年一月二十二日

國務卿陸徵祥

將軍銜督理甘肅軍務巡按使張廣建奏續報甘肅鹽池縣民國四年被旱禾苗大概情

形祈鑒由

政事堂奉
批令悉交內務財政兩部查照此令

政事堂印

洪憲元年一月二十二日

國務卿陸徵祥

甘肅巡按使張廣建奏代陳涇原道道尹王宗祐謝恩由
政事堂奉

批令悉此令

政事堂印

洪憲元年一月二十二日

國務卿陸徵祥

勳四位二等子爵多防鎮守使蕭良臣奏疊奉寵命謝恩由
政事堂奉

批令悉此令

政事堂印

洪憲元年一月二十二日

國務卿陸徵祥

奏摺

憲政協進會參議江蘇鹽城縣農商學會總代表馬為瓏奏國體決定逆黨窺竊請速正大位以杜奸謀而慰民望摺

奏為國體決定逆黨窺竊請速正大位以杜奸謀而慰民望恭摺仰祈 聖鑒事竊自國體改變以來羣情共戴天位有歸薄海臣民莫不歡欣鼓舞以頌將來國家之福利於無窮也不圖二三逆徒昧思順天應人之理背叛中央擾亂大局雖王師征伐指日可望削平第國家一日無主則民心一日不安伏願我 皇上俯順民情速登大位建萬年不拔之基慰 生來蘇之望庶天下之治安立觀潢池之盜弄立除臣不勝瞻天仰聖三頌三禱之至謹 奏

國務卿奏據銓叙局詳稱多倫稅務監督周蘭田擬請准予緩覲摺

奏為多倫稅務監督周蘭田擬請緩覲恭摺仰祈 聖鑒事據銓叙局詳稱准財政部咨開上年十二月十七日恭奉 策令任命周蘭田為多倫稅務監督此令奉此自應轉飭遵例入覲惟查該員係由多倫徵收局長改授今職事務重要一時未能遠離可否暫緩送覲之處相應咨請查覈轉奏等因准此查覲見條例內職簡任各職因必要情形得呈請緩覲又因職務重要得先行就職等語周蘭田由多倫徵收局長改授今職例應覲見既准該部咨稱該員事務重要一時未能遠離擬請准予緩覲是否有當詳請轉奏等情理合恭摺具奏伏乞 皇上聖鑒訓示遵行謹 奏

政事堂奉

批令周蘭田准予緩覲此令



洪憲元年一月十六日

國務卿陸徵祥

國務卿奏據銓叙局詳稱核議江西贛東清鄉案內出力人員方本仁等勳章請訓示摺(附單)

奏為核議江西贛東清鄉案內出力人員方本仁等勳章恭摺仰祈 聖鑒事據銓叙局詳稱奉堂交昌武將軍督理江西軍務李純等奏報贛東辦理清鄉事竣請將出力人員黃典文方本仁等分別給獎一案於民國四年十二月二十九日奉 批令交陸軍部並由政事堂飭銓叙局分別核議具覆單併發此令等因發交到局原摺內稱雷逆葆福豐匪首柴金標等擾亂贛東幾及兩年伏莽衆多前辦清鄉搜捕匪黨收繳槍械並購寬眼繞設計追捕卒使孽孽就擒閩閩安堵在事各員洵屬勤勞卓著等語所請分別給獎之處自應照准除黃典文等請補軍職並請獎文虎章獎章各員應由陸軍部核辦外其請獎嘉禾勳章方本仁等員由局按照頒給勳章條例分別擬等繕具清單詳請轉奏等情前來理合恭摺具陳伏乞 皇帝陛下聖鑒訓示 遵行謹 奏

政事堂奉

批令方本仁等已另有令明發餘如所擬分別給獎此令

政事堂印

洪憲元年一月十六日

國務卿陸徵祥

謹將核議江西贛東清鄉案內出力人員勳章分別擬等開單恭請

聖鑒

計開

江西水師統領張國柱 江西水上警察廳廳長李照岱

查以上二員均係高級薦任職原請四等與例雖不甚合擬請照薦任官從優初受例均給予六等嘉禾

章

昌武將軍行署軍需課課長二等軍需正劉同春 昌武將軍行署軍需局局長二等軍需正陳富元 昌武

將軍行署書記官分發縣知事潘英裕 昌武將軍行署一等書記官許之忠 江西巡按使公署內務科

主任分發縣知事吳貞若 江西巡按使公署交涉處主任分發縣知事周謙 江西巡按使公署機要

參議分發縣知事張慶彬 江西巡按使公署薦任待遇隸屬徐祖賢 江西巡按使公署薦任待遇隸屬

尹繼明 清鄉總局委員前江西補用知縣陳俞 江西水上警察廳科長鄭呈善

查以上十一員均係薦任職或薦任待遇省隸屬原請五等六等與例不合擬照薦任官初受勳章例均

給予七等嘉禾章

內務部奏河南省會警察廳薦委各職員請予分別叙官摺

奏為河南省會警察廳薦委任各職員請予分別叙官恭摺具陳仰祈 聖鑒事竊准河南巡按使巨田文

烈咨陳河南省會警察廳在職各員應行叙官者計警正鄒廷鑾等二員試署警正張履泰等三員技正游夏

一員勤務督察長史雲一員警佐楊世奎等二十員技士張繩錫一員造具各該員履歷請予分別叙官等因

到部查警察官吏按照文官任職令文官秩令之規定例得叙授文官茲准河南巡按使咨陳請將省會警

察廳警正鄒廷鑾劉錫珍等二員試署警正張履泰岳疇先王方瀛等三員技正游夏一員勤務督察長史雲

一員警佐楊世奎王蘭塘怡康李棟王清駿于廷鑑陳寶蔭于豫昌趙德興張學古袁金甫劉萬瀛柳培綺盧

景隆顧培曾馮秀成郭寶鑫吳進玉魏樹毅王國恩等二十員技士張繩錫一員開具履歷請予轉奏分別叙

官前來除將原送履歷由臣部咨送政事堂銓叙局外相應請 旨飭下政事堂交銓叙局查核分別叙官

以重資叙是否有當伏乞 皇帝陛下聖鑒訓示謹 奏

政事堂奉 批令交政事堂銓叙局核叙此令

政事堂印

洪憲元年一月十六日

國務卿陸徵祥

內務部奏河南鄆陵縣知事陳壽芝獲犯迅速照章擬獎摺

奏為河南鄆陵縣知事陳壽芝獲犯迅速照章擬獎恭摺仰祈 聖鑒事案准河南巡按使臣田文烈咨陳鄆陵縣知事陳壽芝於該縣民梁改成扎傷李保身死一案於上年五月八日據報即日將正兇梁改成擊獲又王其善摺傷董玉保董三興各身死一案於上年五月十三日據報即於十四日將王其善緝獲訊辦各在案獲犯均在三日以內該與知事獎勵條例相符應請照章給獎等情到部查知事獎勵條例第十條第四項載擊獲命案真兇犯在三日以內者獎以三等獎勵第五條載第三等獎勵一進級二加俸各等語此案鄆陵縣知事陳壽芝擊獲命案兇犯兩案均在三日以內核與前項事例相符擬照章獎以加俸註冊如蒙 兪允即由臣部遵照辦理所有據咨核擬給獎緣由是否有當理合恭摺具陳伏乞 皇帝陛下聖鑒訓示 謹 奏

政事堂奉

批令准如所擬給獎此令

政事堂印

洪憲元年一月十六日

國務卿陸徵祥

內務部奏遵核江蘇省請獎辦賑出力人員孫秉鈞等均以縣佐任用摺

奏為遵核江蘇省請獎辦賑出力人員孫摺仰祈

聖鑒事竊准政事堂鈔交江蘇巡按使臣齊耀琳呈辦

批出九人員梁公約等擇九龍懇獎勸一案上年十一月二十日奉 批命梁公約等均准如擬分別給獎
交政事堂飭銓叙局查照所請以縣佐任用之孫秉鈞等五員交內務部核議具覆單並發此批等因奉此臣
部查此次江蘇省江北一帶地方被災區域廣至二十餘縣災情之重為近年所未有加以賑款支絀員紳純
盡義務籌辦經年甫告歲事民露實惠款不虛糜迭經該巡按使呈咨有案所有請獎在事出力之孫秉鈞劉
徵翼齊燮張延李耕等五員卓著勤勞核與十年皖粵等省辦賑出力准獎文職人員勞績相同倘無冒濫自
可援照辦理應請將孫秉鈞等五員准如原呈所擬均以縣佐任用以示鼓勵如蒙 俞允即由臣部照章
分發再此次江蘇原呈繕發日期核計尚在銓叙局議覆文職勞績改獎實官辦法公布以前是以仍照歷屆
成案辦理所有違 批核擬緣由理合恭摺具陳伏乞 皇帝陛下聖鑒訓示謹 奏

政事堂奉

批令孫秉鈞等准以縣佐分發任用即由該部照章辦理此令

政事
堂印

洪憲元年一月十六日

國務卿陸徵祥

內務部奏上海救火聯合會成效卓著懇頒賜匾額並獎給會長毛經疇警察獎章摺

奏為上海救火聯合會成效卓著擬懇 頒賜該會匾額一方並獎給該會長毛經疇警察獎章以示旌揚
而資觀感恭摺具陳仰祈 聖鑒事竊准克威將軍松滬護軍使楊善德咨陳內稱查上海救火聯合會創
於前清光緒三十三年建築鐘樓會所改良救火器具糜費三萬餘金均係籌募而來不費公家分文平時會
合三十餘社研求火政民國二年七月滬寧變起波及滬甯致縱火劫掠之事日有數起該會長毛經疇勉
會員維持秩序於槍林彈雨之中一聞火警咸躬冒險奮勇救護滬甯一隅迄今生靈無恙財產依然者非

得該會長督率之功暨該會員等保護之力不至此伏查該會長毛經疇於地方公益之事靡役不從而對於該會既輸助資財復持以熱心毅力且於急難之秋不避艱險出而保衛實為人所難能該會會員人數衆多不敢仰邀獎叙擬請 頒賜該會匾額一方以資觀感其會長毛經疇應如何給獎以示鼓勵之處咨請查核辦理等因到部查上海救火聯合會自創辦以來講求火政捍衛地方成效卓著洵屬熱心公益核與褒揚條例第一條第六款相符其會長毛經疇平時募集鉅款不費公家分文當亂事發生於地方消防事宜盡力維護尤為難能可貴核與警察獎章條例第一條第十三款所規定之事例亦屬相符合無仰懇 聖恩俯准 頒賜該會匾額一方並由巨部獎給該會長毛經疇一等三級警察獎章以示旌揚而昭激勸謹擬具匾額字樣繕單恭請 欽定題給所有上海救火聯合會成效卓著擬請 頒賜匾額並獎給該會長警察獎章緣由是否有當伏乞 皇帝陛下聖鑒訓示謹 奏

政事堂奉

批令應准給予該會功字既濟匾額一方餘如所擬辦理單存此令

政事堂印

洪憲元年一月十六日

國務卿陸徵祥

財政部奏派員兼代綏遠墾務局總辦摺

奏為派員兼代綏遠墾務局總辦恭摺仰祈 聖鑒事竊查綏遠墾務局總辦一職前由巨部派委聶樹屏

前往代理業經呈奉 批准在案茲據綏遠都統電稱該員於本月十一日病故等因所遺總辦一缺職務

重要亟應遴員接充以資整理查有察哈爾墾務局總辦龍驥熟悉情形堪以就近暫行兼代理合恭摺具陳

批令准派龍驤暫行兼代此令

政事堂印

洪憲元年一月十六日

國務卿陸徵祥

陸軍部奏亂黨嫌疑犯賈瑞五悔罪自首據情懇請特赦摺

奏為亂黨嫌疑悔罪自首懇請 特赦據情轉奏仰祈 聖鑒事竊於本年一月五日准泰武將軍督理

山東軍務祈雲騰咨開案據壽光縣知事詳稱該縣商民賈瑞五平素營商並無劣迹民國二年誤認亂黨所

立交通公司為營業投資入股致被附亂之嫌名列通緝現據該犯具結悔罪自首并取具該犯親族保結詳

請發給免罪證書以開自新檢送各結及相片咨請轉奏等情到部查該犯賈瑞五原係該省通緝之犯茲既

據該原籍地方官查明實被愚弄所致並非甘心從逆取具甘保各結核與自首特赦令尚無不合自應據情

奏請懇 恩准予特赦以示寬大是否有當理合照繕原咨暨甘保各結恭摺具陳伏乞 皇帝陛下聖

鑒訓示祗遵謹 奏 政事堂奉

批令既據悔罪自首應准特赦著候彙案辦理附件存此令

政事堂印

洪憲元年一月十六日

國務卿陸徵祥

陸軍部奏請給陝西陸軍測量局校各員雷寵錫等獎章摺(附單)

奏為請給陝西陸軍測量局校各員獎章恭摺仰祈 聖鑒事准參謀本部咨開案准咸武將軍咨開陝西陸軍測量局附屬之測量學校自前清宣統二年八月開辦至民國四年八月畢業歷時已逾五載畢業已有兩期造就測量人員共計一百八十餘名職教各員在校服務或熱心將事或教授認真不無微勞足錄懇請照章給獎等因並開列清摺到部查測量學校章程第十條云校中職教各員有辦事尤為出力者由校長呈由局長轉請獎勵等語此次陝省請獎核與定章相符擬請 准如所請給予各等獎章是否有當理合繕單恭摺具陳伏乞 皇帝陛下聖鑒訓示施行謹 奏

政事堂奉

批令准如所擬給獎單存此令

政事堂印

洪憲元年一月十六日

國務卿陸徵祥

謹將陝西陸軍測量局校教習職員辦學出力擬給各等獎章繕單恭呈

御覽

計開

陝西陸軍測量局局長雷龍錫 陝西陸軍測量學校校長任天錫

以上二員擬請 給予一等金色獎章

陝西陸軍測量學校監學鮑建勳 陝西陸軍測量學校地形課主任教員賈人俊 製圖課主任教員姜容

渥 普通教員徐元英 萬 徵 高 珪 沈思植 王天吉 潘天定 王煥文 余 灝 丁振亞

助教鄭經田 陳文中

以上各員擬請 給予二等銀色獎章

奏為請

簡任團長並請緩覲見繕單恭摺仰祈

聖鑒事准宣武上將軍督理江蘇軍務馮國璋咨稱

陸軍第七十四混成旅步兵第一四十八團前經派赴本省江北阜寧一帶扼要分防彼時阜邑匪徒滋擾防務喫緊其團長一缺係於本年八月間派該旅參謀長明羽林代理自抵防後深資得力計時已及四閱月節經查看殊堪勝任因派令該員代理時軍職補充規則尚未奉頒到署是以當時未經報部茲據該旅旅長趙俊勳詳請轉陳補實前來核該代理團長明羽林資格尙屬相當且該旅係為剿防緊要為地擇人起見自與平時人員補充不同用特造送該團長補充履歷各一份咨陳請煩查核念防務重要援照規則第八條變通轉奏補實並請免覲等因查明羽林由江南將備學堂畢業歷充營長團長各差於軍事尙有經驗以充陸軍第七十四混成旅步兵第一四十八團團長堪以勝任既據聲稱該員代理團長在軍職補充暫行規則未經頒到以前擬請仍照舊章即以該員開單請 簡俾重職守至該團長職務重要未便遠離可否暫緩覲見之處恭候 批令祇遵所有請 簡團長並請緩覲見緣由是否有當理合繕單恭摺具陳伏乞 皇帝陛下聖鑒訓示謹 奏

政事堂奉

批令明羽林已有令明發並准緩覲單存此令

政事堂印

洪憲元年一月十六日

國務卿陸徵祥

陸軍部奏軍官李廣田等因公死傷請照章給卹摺

奏為軍官因公死傷擬請照章分別給卹恭摺仰祈 聖鑒事案據陸軍騎兵第二混成旅旅長吳俊陞詳

稱第三團四連排長陸軍騎兵中尉李廣田自民國二年春間充任此差供職已及三年歷經戰役迭著勤勞四年九月奉公出差行至三江口地方因乘騎驚逸墮馬殞命察哈爾都統張懷芝咨陳察哈爾陸軍騎兵團第二營正目前代第七連排長陸軍騎兵中尉樊玉於民國四年十一月奉派隨隊剿匪在興和縣屬達拉濟廟誤被蒙兵彈傷斃命成武將軍督理四川軍務陳宥咨陳前四川陸軍第四師步十四團第一營排長黃運福於民國二年十一月在鄉城磨坊溝與匪接仗中彈身死又咨陳四川陸軍第三師礮三團第一營排長高育琮於民國四年三月隨隊剿辦陳逆步三被匪彈傷致廢安武將軍督理安徽軍務倪嗣冲咨陳前武衛右軍在六安英山等處剿辦白匪案內中路第三營哨官徐鳳昌右路第四營哨長張子彥均因彈傷致廢先後造具表結證書請予照章給卹各等因前來臣部詳加覆核與陸軍平時卹賞暫行簡章第三條甲乙兩項給卹之規定相符已故排長中尉李廣田樊玉排長黃運福三員擬請按中尉階級照卹賞表第二號各給與一次卹金二百五十元遺族年撫金三年每年一百六十元負傷排長高育琮一員擬請按少尉階級照卹賞表第三號二項給與卹傷年金三年每年一百六十元哨官徐鳳昌一員擬請按上尉階級照卹賞表第三號三項給與卹傷年金三年每年一百元以資矜勸所有核擬給卹緣由是否有當理合恭摺具陳伏乞 皇帝陛下聖鑒訓示遵行謹 奏

政事堂奉

批令准如所擬給卹此令

政事堂印

洪憲元年一月十六日

陸軍部奏請補黃鐘為陸軍步兵上尉摺

奏為遵請補授黃鐘陸軍實官恭摺仰祈 聖鑒事竊查前准政事堂鈔交振武上將軍督理廣東軍務

濟光前廣東巡按使李國筠呈遵電查明辦電白縣亂匪出力員弁擇尤請獎一案奉 批王典章已另

有令明發至所請授官給章暨以知事縣任內各員應均照准交內務陸軍兩部查照分別呈辦等因奉此

所有應補軍官人員已由臣部遵請補授並於呈內聲明惟連長黃鐘一員已補上尉俟查明是否同名再行

核辦等語當經電查該省去後茲准咨送履歷到部查該員黃鐘與會補上尉之黃鐘並非一人自應遵照前

次 批令請補連長黃鐘為陸軍步兵上尉理合恭摺具陳伏乞 皇帝陛下聖鑒訓示謹 奏

政事堂奉

批令黃鐘應准如擬授官此令

政事 堂印

洪憲元年一月十六日

國務卿陸徵祥

司法部奏據報甘肅高等檢察廳檢察官彭立本因公病故擬照章給予一次遺族卹金摺

奏為據報甘肅高等檢察廳檢察官彭立本因公受病出缺擬請依照文官卹金令給予一次遺族卹金恭摺

仰祈 聖鑒事據調任甘肅高等審判廳長前甘肅高等檢察廳檢察長黃芝瑞詳稱職廳檢察官彭立本

於民國三年一月委充本廳一等書記官六月改委本廳檢察官迭經詳報奉准在案該員供職以來清理案

件籌辦監獄矢慎矢勤無間昕夕不闕邊地嚴寒積勞致疾延至四年十二月十一日據報出缺擬請援照文

官卹金令轉奏給卹等情前來臣查該廳檢察官彭立本積勞致病竟爾云亡且有遺族在蘭身後蕭然情殊

可憫該故員死亡時係月俸一百七十六元擬請依文官卹金令第二十三條規定給其遺族一次卹金一百

七十六元又該故員自民國三年任職之日起扣至四年十二月底止歷職滿兩年依前令同條第二項規定遞次加給其一月俸額十分之二共擬給予卹金二百一十一元二毫以示矜卹是否有當理合恭摺具陳伏乞 皇帝陛下聖鑒訓示施行謹 奏

政事堂奉

批令准其照章給卹交政事堂飭銓叙局查照此令

政事堂印

洪憲元年一月十六日

國務卿陸徵祥

教育部奏擬請酌給本部及所屬職員陳問咸等勳章摺

奏為擬請酌給本部及所屬職員勳章以勸勤勞而資激勵恭摺具陳仰祈 聖鑒事竊查勳章令第一條之規定應獎勵章資格以有勤勞於國家暨有功績於學問及事業者為限本部職司教育事務殷繁凡部中從事學務多年成績卓著之員曾經先後呈奉 明令准予分別獎給勳章仰見 鴻施逾格鼓舞人才之盛意欽感莫名茲查有本部科長僉事陳問咸謝冰秦錫銘范鴻泰徐協貞視學王家駒教科書編纂處主任編審員陳衡恪副主任僉事沈彭年教科書審核員僉事陳懋治視學白振民直轄北京大學預科奧地教授桂邦傑數學教授嚴培南法文教授李景忠德文教習洋員梅爾慈等十四員均係任職教育有年辦理主管及教授事務勤勞素著擬請給予五等嘉禾勳章又直轄法政專門學校一級學監吳家棟辦理校務已逾七年成效甚著擬請酌給七等嘉禾勳章俾昭激勵是否有當理合恭摺具陳伏乞 皇上聖鑒訓示謹 奏

政事堂奉

政事
堂印

洪憲元年一月十六日

國務卿陸徵祥

蒙憲院奏年班人員扎薩克貝子沙克都爾扎布等不克來京值班懇請給假摺

奏爲年班人員不克來京值班據情代奏懇請 賞假事竊准伊克昭盟盟長特古斯阿拉坦呼雅克圖咨呈扎薩克貝子沙克都爾扎布本年應進京值班因得足疾呈請賞假又准哲里木盟副盟長科爾沁扎薩克達爾罕親王那木濟勒色楞額署印協理都楞咨呈本旗貝子銜鎮國公呢瑪瑪染受黃水之症不能赴京值班呈請給假又准甘肅巡按使咨據舊土爾扈特郡王達什詳輔國公圖布行巴雅爾腰腿疼痛延醫調治一時尙難痊愈年班懇請賞假又准錫林郭勒盟阿巴哈那爾左翼扎薩克多羅郡王車凌多爾濟咨呈本旗班第達呼圖克圖羅布桑海都布丕凌賚拉布齋因患瘡症礙難就道本年年班懇請賞假又阿拉善扎薩克和碩親王塔旺布魯克扎勒旗署理扎薩克印務貝子銜鎮國公塔旺拉布坦等咨呈本旗達克布呼圖克圖那完丹顏年未及歲且未出痘此次不克值班又准錫林郭勒盟盟長楊桑副盟長索諾木拉布坦等咨呈烏珠穆沁固什哩綽爾濟之呼畢勒罕諾們囊多瓦藏呈稱十月下旬忽患腰腿疼痛調治尙不見效礙難進京值班各等情先後呈報前來查該貝子沙克都爾扎布呼圖克圖羅布桑海都布丕凌賚拉布齋等或染病未痊或年未及歲由各該盟長扎薩克貝子文轉報請假前來核與例案均屬相符擬請准予給假理合據情代奏伏乞 皇帝陛下聖鑒訓示施行謹 奏

政事堂奉

批令准予給假此令

政事
堂印

洪憲元年一月十六日

國務卿陸徵祥

京兆尹王達奏遵擬京兆地方自治事宜施行期限繕表請示摺

奏為遵擬京兆地方自治事宜施行期限繕具表冊恭摺仰祈 聖鑒事竊臣於上年七月二十一日恭奉

申令京兆為全國所具瞻當定為特別區域以作自治模範存記道尹山東高密縣知事王達著開缺籌

辦京兆地方自治事宜分期立限依次施行將所謂福利政策者庶幾遇之九月二十八日又奉 申令現

已任命王達為京兆尹並修正官制依次施行該尹其慎擇愛民之良吏訪求愛國之賢紳舉一切教育實業

道路工程衛生警察暨公共慈善事業分期籌備綱舉目張果有成效可徵不惜假以便宜寬籌經費務求實

際不尙空文各等因奉此伏讀之下仰見我 皇帝精求治理在席斯民之至意臣幸際昌期謬膺 知

遇材幹任重夙夜孜孜數月以來迭經派員分赴各縣考察地方實況並徵求 書地圖及官紳意見一面因

日本在朝鮮舉辦物產共進會特派員紳前往參考又於已具自治規模之江蘇南通縣及會辦模範村之直

隸定縣等處分途諮詢蒐集各項經過事例凡京兆應辦事宜參照討論次第提出評議會一再審酌粗得端

緒其斟酌損益悉求與現時程度適合固不敢因循簡陋亦未敢躐等鋪張現在京兆區董村正副資格及自

治會議各項單行章程業根據頒定京兆地方自治暫行章程由臣訂立通飭遵照各縣新自治區域並經

督飭劃定報齊所送研究自治學員亦不日畢業一切自治事務亟待明定綱目依限施行謹繕具京兆自治

事宜分期籌備表並分期簡明表各一冊恭呈 裁奪所有原擬條理敬為我 皇帝縷晰陳之京兆各

屬向來風氣閉塞遠令自謀治理無異強強祿以步趨故著手之初非藉國家權力不足以立地方之基礎欲

求民治之有附麗當先求助長行政之有規模事類可以互通範圍無取過泥此表內官辦事宜兼及之必要

應行陳明者一也一國之大積於一鄉論自治之極軌必應以城鎮村為單位使其積極進行而當民力幼稚

厲行訓練之時則下級之事務恆不能不導源於上級故目前應辦之事共分村區縣及京兆四級凡上級皆

較下級爲多而卽下級應辦之事及其實行仍應受上級之監察指示此表內主管機關分隸之不同應行陳明者二也至於事務種類則悉依 明令指示各項立爲綱領各級皆有其按期應辦之細目而京兆一級則勸修各縣幹路所以求脈絡之貫通造就各項師資所以駢智識之漸進舉辦各縣公民常識講習所以促鄉里風氣之轉移尤屬當務之急此外則期於各方兼籌現力能舉並特於教育農事兩項務取周詳以規本計此表內擬定事類之方針應行陳明者三也若夫施行次第則酌視官民程度與其他政務之牽連區別難易擬自奏准開辦日起分爲三期約以一年爲一期每期如無意外障礙各自自當依次舉辦次期則或承前期舊目繼續進行或照規定各條加課新事倘有需變通之處另當奏明辦理此表內規定期限之大致應行陳明者四也現下表內所列各事正在准備如蒙 俞允當由臣依次切實舉辦並將應歸國家開支各項經費分別估定另案具奏請 旨辦理再自治欲收速效莫如取限地急進主義臣擬酌擇適宜地點試辦模範村數處凡其中所有田畝道路橋梁溝澮市場名勝先行著手整理並將各項公共營造物及一切應辦事宜不拘時限設置完備使荒僻之地煥爲一新觀感胥傾推廣自易俟奉 旨後謹當一併籌辦以促民化而播 皇仁除詳咨外所有遵擬京兆地方自治事宜施行期限各緣由是否有當理合繕表恭摺具陳伏乞 皇帝陛下聖鑒訓示謹 奏

政事堂奉

批令悉卽由該尹督飭所屬依照期限認真籌辦務收實效以樹風聲表存此令

政事堂印

洪憲元年一月十六日

國務卿陸徵祥

河南巡按使會辦軍務田文烈奏續查前清各縣交代因公虧欠各款援案懇請豁免以示矜恤摺

奏為續查前清各縣交代因公虧欠各款援案懇 恩豁免以示矜恤恭摺仰祈 聖鑒事竊臣於民國三年四月間遵奉民國元年十二月三日 命令將查明前清各縣因公虧累各款交代楊葆昂等四十四起開單呈請豁免並於呈尾聲明此外未結交代起數尙多容再分別查明續請核辦等語恭奉四月二十二日 批令應准如擬一律豁免銷案等因欽遵在案是年七月間巡按使公署改組交代案件統由前財政司移交財政廳接收管理隨復督飭該廳逐一確查祇以原報各案或新舊套搭或款目糾紛或案卷無存或本員他往查核既諸多困難結束遂經歷時日茲據財政廳續經查明前清各縣知縣張煦等舊案各起交代均係因公虧欠前清解款據稱中多廉幹之員實屬無力完繳又前南陽縣知縣文策等交代八起因民國成立時城池破壞案卷燬失無憑核算等情開單援案詳請奏懇豁免前來臣覆加查核前清末年各縣交代久有積重難返之勢緣其時庫藏支絀動多攤派催辦新政每月令自籌加以銀價騰漲徵錢解銀虧耗甚鉅緝捕匪盜悉出捐廉坐是成虧什居八九且宣三初辦預算宣布較遲各縣未諳辦法一切用款有未列入預算案內者或已照舊開支因之款無著落此等雖不能不認爲虧欠而因公動用並非侵挪入已追及既往衡情實未得其平迨至武漢起義豫居南北之衝風鶴頻驚驟然不靖黨人士匪所在肆擾維持各縣力任維持秩序保衛地方者因時濟變用款加增更難苛以相繩此次單開之前清縣知縣張煦等各案交代所欠前清各款均由以上所陳各項情形且查其居官政績實多廉幹可稱核與業經呈准豁免之楊葆昂等事同一律合無仰懇 天恩俯准悉予豁免以廣 仁施又前南陽縣知縣文策等交代八起亦屬前清舊案當時地方破壞檔案蕩然無存均彰彰在人耳目現既無憑核算自未便長此虛懸擬懇 恩准併予銷案以清積贖除咨陳財政部外所有續查前清各縣交代援案請免緣由理合繕單恭摺具陳伏乞 皇帝陛下聖鑒訓示謹 奏

政事堂奉

批令應准如擬一律豁免銷案交內務財政兩部查照單存此令

政事
堂印

洪憲元年一月十六日

國務卿陸徵祥

雲南巡按使任可澄呈爲昆明文山宣威等縣因災蠲緩錢糧違例彙案繕具清單仰祈鈞鑒文並

批令

爲昆明文山宣威等縣因災蠲緩錢糧違例彙案繕具清單恭呈仰祈鈞鑒事案據雲南財政廳廳長籍忠實詳稱案准滇中道道尹咨轉昆明縣知事周安元會同委員彭世功詳報勸明縣屬南鄉官渡堡等村本年被水成災請蠲免錢糧冊結一案加結咨廳查核詳辦等由准此查昆明縣屬本年南鄉官渡堡等村被水成災前據該知事周安元詳報當經由廳咨會滇中道尹飭委分發知事彭世功前往會縣勸辦在案茲據該具被災田畝等册科徵修糧細數清冊詳由道尹加結咨轉前來核查册列數目均屬相符既據該印委等會勸明碑均係被水成災顆粒無收若仍照常徵收民力實有未逮理合將送到册結具文詳請查核辦理又據詳稱案據宜威縣知事王楨詳報縣屬沛澤里永樂等村本年被雹成災一案當經咨會滇中道道尹飭委可渡分治員覃寶瑜前往會勸詳辦去後茲據該委員覃寶瑜會同該縣知事王楨勸明被災田畝造具請免錢糧冊結詳由該管滇中道道尹核明加結咨廳核辦前來查册列各數均屬符合既據該印委勸明均係雹災顆粒無收且沙石堆積於大雹後繼以暴雨爲河水漫溢所致核其情形非一二年所能墾復若仍照常徵收民力實有未逮理合具文詳請查核辦理又據詳稱案准蒙自道道尹咨據文山縣知事李清華詳報縣屬本里上河大小法古等寨被水成災一案委員會勸造具册結咨廳查核辦理等情准此查本年文山縣屬本里上古等寨被水成災當據該知事李清華詳報由廳咨會蒙自道道尹飭委道署差遣員鄧雲麟前往會勸去後茲據該印委勸明被災田畝造具册結詳廳并詳由該道尹加結咨轉前來核查册列各數均屬符合既據該印委勸明實係十分成災若仍照常徵收民力實有未逮理合具文詳請查核辦理各等情先後到署據此查

該昆明宣威文山等縣被水被雹成災各案均經可澄呈報備案在案茲據該財政廳廳長詳送各該縣被災田畝錢糧冊結前來覆加查核所陳應徵錢糧因災未能照常徵收各情均係實在除咨陳內務財政兩部核辦外所有該昆明宣威文山等縣屬被水被雹成災籲懇分別蠲緩錢糧各緣由理合彙案繕單具呈仰乞大總統鈞鑒俯念民力未逮實准分別蠲緩實為恩便謹 呈

政事堂奉

批令准予分別蠲緩交財政部核明呈辦並交內務部查照單並發此令

政事堂印

洪憲元年一月十七日

國務卿陸徵祥

司法部奏據情轉報湖南福建等省高等審檢廳長凌士鈞等繼續任事日期並感激下忱摺
奏為據情轉報湖南福建等省高等審檢廳長官繼續任事日期並感激下忱恭摺陳仰祈 聖鑒事上年二月十六日奉 策令任命凌士鈞為湖南高等檢察廳檢察長陳經為福建高等審判廳長許達時為福建高等檢察廳檢察長此令等因當由臣部分電飭遵在案茲據各該廳長檢察長等先後詳稱遵即敬謹繼續任事並具陳感激下忱等情詳請轉奏前來理合據情轉奏伏乞 皇帝陛下聖鑒 奏

政事堂奉 批令悉此令

政事堂印

洪憲元年一月十六日

國務卿陸徵祥

奏 更 正

頃准政事堂機要局交據海軍部函稱洪憲元年一月十日政府公報登載本部奏請將海軍所屬各機關及艦隊在職各員擇尤獎勵文一件其清單中原開之吳淞海軍醫院院長許世芳芳字誤為芬字相應函請貴局轉知印鑄局查照更正等因合亟更正

公電

南京馮國璋等電奏一月五日

政事堂統率辦事處鑒滇省恃憑險阻發難稱兵國璋等初爲息事寧人起見曾合詞剴切詰責促其返省乃靜候數日仍未答復是其興戎負固甘心背叛拂全國之公意冒天下之不韙逆迹昭著情勢顯然值此國步艱難豈容一隅倡亂凡百在位責任綦嚴正當戮力同心互相聯合擁護政府鞏固國家唐任等禍國殃民意存割據異言法語置若罔聞既自絕於國人宜羣視爲公敵應請頒發命令將出征剿彼凶殘救民水火潰離道路備遠燈臂詎足當車順逆之勢既殊勝負之數可決屬在袍澤大義懷然敵愾同仇主張一致彼即深閉固拒不啻檻獸釜魚天誅所加斷難倖逃法網國璋等以身許國遑恤其他誓當執戈前驅滅此朝食謹厲兵秣馬候命進行特電前代上陳不勝激切翹盼之至馮國璋張勳齊耀琳楊善德盧永祥朱家寶姜桂題張懷芝潘矩楹段芝貴朱慶瀾孟恩遠王揖唐龍濟光張鳴岐陸榮廷王祖同王占元段書雲湯壽銘沈金鑑李純威揚倪嗣冲李兆珍朱瑞屈映光趙倜田文烈靳雲鵬蔡儒楷閻錫山金永陸建章劉承恩呂調元李厚基許世英陳宦馬良張廣建楊增新支印

徐州張勳電奏一月一日

政事堂轉呈 皇帝陛下聖鑒前以唐任抗命願率師旅以討不庭曾以勅電請政事堂代表在案竊以勅定禍亂要在迅赴事機今唐任等宣布獨立冥頑梗化斷非情理所能喻筆舌所能回亟宜分道出師用佐天討各省駐軍鎮守地面商調或費躊躇臣巡閱長江本無地方專責枕戈待旦義憤填膺親覩小醜跳梁亟欲滅此而朝食應請俯鑒微忱明發命令俾臣統率師旅勉日南征憑藉威靈翦除巨慝拯滇民於水火靖反側於邊隅大局幸甚臨電不勝迫切待命之至定武軍軍統長江巡閱使臣張勳謹奏東印

成都陳宦電奏一月一日

政事堂鈞鑒感電敬悉共和國體不適吾國爲吾全國所公認自籌安會發起君憲五族人民交相呼籲參政

院情從民意付諸公決經國民代表一致推戴軍政商學各界羣請正位天人交應薄海同風我 皇上猶復謙讓再三始曲徇請求許予改革大公無我以身救國之苦衷凡屬人民皆所共喻唐繼堯任可澄等前曾迭電勸進忽又反復出爾反爾顯係受人煽惑值此國體大定帝位有歸各省疆吏正宜竭誠擁護中央固我邦本宜已電滇切實勸戒迄未見復昨又通電京外互相警告在案擬請鈞處嚴電切責曉以利害並飭鄰近各省嚴密戒備厲兵秣馬以備不虞唐任等孤立無援或能翻然改悔回心傾向川省與滇接壤已密電水陸軍警妥為防範並宣布戒嚴令冀保治安宜重膺疆寄責有所屬救民衛國惟有赤誠金石可斷此心不改敬懇鈞處毅力主持以維大局並懇轉奏為禱陳宦黠印

成都陳宦來電一月四日

統率辦事處鈞鑒東電敬悉蔡逆猖狂令人痛憤此時惟當激勵將士掃孽擒渠明正典刑為亂者戒其他一切宜不敢聞謹復陳宦叩印

福建李厚基等電奏一月七日

政事堂鑒唐任違反民意各省同聲責勸猶復執迷不悟是其甘心叛國罪不容誅基英曾於沁日兩電貢陳征討愚見並於感日電請代奏早登大位以安人心伏望 皇上乾綱速斷命將出師以伸天討王師早日出征滇民少一日痛苦基英等整飭三軍聽候朝命再聞省全境安靖如常謹乞代奏 皇上聖鑒厚基世英魚

吉林孟恩遠等來電一月二日

統率辦事處鈞鑒東電敬悉前在京師會晤蔡逆一面獐頭鼠腦豺狼其聲已覺名實不符然不料其喪心病狂至於如此今既逆迹昭著惟有亟伸天討以明大義而快人心再正位已否定期軍民想望綦切務乞早示為叩孟恩遠王揖唐同叩先印

鄭州徐占鳳等電奏一月十二日

率所部負弩前驅滅此朝食現國體決定年號已頒伏懇我 皇帝早登大位以慰臣民之望而消反側之心此尤薄海同深仰望者也隨電不勝屏營待命之至謹乞鑒核代奏徐占鳳謹率所部叩真印

杭州陸軍第六師等電奏一月九日

政事堂統率辦事處鈞鑒本日致各省通電文曰唐蔡稱兵普天同憤業奉明令聲罪致討順逆顯然有目共睹同人等念國步之方艱思軍人之天職惟有矢竭忠誠協心捍衛業已秣馬厲兵以俟朝命前接京畿全體軍人通電義正詞嚴尤足以勵臣節而振士氣懷茲大義具表同情成城衆志願效前驅用特披瀝以告同胞等語謹此電陳伏乞代奏浙江陸軍第六師陸軍第十一旅第十二旅陸軍第四十九旅將軍行署守備陳嘉湖鎮守使署游擊隊台州鎮守使署游擊隊憲兵營全體軍人同叩虞印

開封唐天喜等電奏一月七日

統率辦事處鈞鑒共和政治不合於中國人所共知現時改變國體正所以鞏固國基天命有歸軍民誠服蔡唐任等甘爲禍首破壞全局實爲天下人民之公敵旅長等願率士卒以隸前麾秣馬厲兵靜候朝命伏乞鑒核代奏唐天喜成慎榮得貴陽

曹州方玉普來電一月一日

統率辦事處鈞鑒宥電敬悉伏思中國自辛亥以來元氣未復國體立憲出自多數民意軍人尊重服從亟應擁護中央果如電示實屬有意破壞甘爲公敵已逕電嚴詞詰責矣普部名爲巡防操練等於陸軍所轄地面異常安謐設有緩急惟命是從謹肅電復曹州鎮守使方玉普卅

澧州王正雅來電一月二日

統率辦事處鈞鑒宥電奉悉唐任反覆其爲構亂無疑封疆大吏當此國基鞏固之時豈容有所左右國民公敵夫復何言政府斥其野心同官責以大義倘能悔悟可贖前愆萬一負隅藐茲醜類盡粉不逞國家大計斷

不可因循人牽掣稍涉游移削叛誅亂具有賦守其誰敢辭除飛電切責外合肅電復常澄鎮守使王正雅叩
帶印

廣東蔡乃煌等電奏一月十九日

大皇帝聖鑒國體議決君主億兆同心月餘以來呼嵩之聲不絕後后之電交馳而宸衷虛揭大寶未登薄海臣民轉滋疑懼况漢兵盜弄正位之後必能剋日盪平殷憂啟聖多難興邦萬姓喁喁想望到治伏乞迅膺圖彙安定丕基天下幸甚粵民幸甚謹電奏聞廣東全省國民代表蔡乃煌李翰芬江孔殷梁粵聯張繩祖等同謹奏暗印

南京馮國璋電奏一月七日

皇帝陛下聖鑒政事堂電傳諭旨唐繼堯等曾迭勸進今忽反復請取消帝制諸長官有何意見望速據實陳述用備採納等因伏讀之餘莫名惶悚竊維邦之存亡關係國體當辛亥事起倉猝改建共和為一時權宜之計其實不適國情賢愚皆知駭浪濤濤萬分危險國民飽受痛苦亟欲速改君憲數月以來立法院審慎周詳議定繁重手續以求正確民意我 皇上猶慮各省區草率從事迭降明令諄諄以遵照法案切實奉行為訓並特派大員認真稽查實已無微不至中外共知迨經各省區國民代表投票解決一致贊成君憲並以我 皇上偉績豐功撥亂反正為四萬萬人民所託命情殷翊出自至誠一再籲懇始邀命允天佑吾民方深歎慶乃唐繼堯任可澄等既經迭次勸進情詞迫切今忽生異議其居心實不可問當此列強環視國基甫奠文武同心協力尙慮無補時艱豈可自起紛擾致負我 皇上救國救民之意當唐任來電之初猶以為亂黨所威脅或係冒名分電是以會電詰責並異語箴規冀以返省且念我 皇上勞心為國斯夕未遑偷保附亂設法消弭下免邊氓苦難上紓 聖主廼懷何意遲至今日尙未接復默揣情形難期悔悟既非異言可入當以兵力相從昨經聯合各省區電請政事堂代奏在案竊以唐繼堯等通電狂悖之言無非意在私圖借頭謀亂豈能以二三亂徒私兒動搖國體誰有奏請 皇上立震天威與師致討嚴懲禍首寬免脅

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應總解決於全國國民特議設立正大之機關以徵求真確之民意於是有國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲根據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特環舉大要通告國民查全國國民請願之始其請願書多至百起以上論其地則二十二省各特別行政區域蒙回青海西藏以及海外僑民論其人則亭士大夫農工商實業以及各項公會團體雖請願一理出言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不覓等君父於路人倫紀蕩然國焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此等倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡處此後治本論之而知共和之不宜於我國者也又謂國家創業垂統肇始幾軒數千年歷史相承君統未嘗中絕即在英雄割據之時而正統偏安猶待史家論定凡以明一日不可無君之義即可知四海攸賴一人之廢改革以來更無無首變故迭生邦基臣民實習首日夕憂疑推魯者莫知所措設更委心任運恐不免神州陸沉此奇歷史論之而知共和之不宜於我國者也又謂歐洲各共和國區域均不若廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生輻寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以為將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之為期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以為將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論為大總統者如何賢明不過多方設法以維持現狀已爾欲求立憲以謀國家之進步南轅北轍其道無由就此將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易甚或數年而一易其開創之君非不雄才大略規模宏遠無如數傳而後法度漸弛遺澤就涇國統遂絕六朝五代之際君位直如奕棋人民蕩析離居幾於不可終日論者每舉以為君主制病而不知此非君主制之病君主而不採用立憲前此治亂相循邦基不固國是未定厥有由來現在欲求立憲既以君主為前提而實行君主制度尤必以立憲為要義查東西立憲國家有強固之政府以擔負責成有穩健之議會以協贊政府上下相與之際各有

一定之法合以為運行君主體履大權實居於調製之地位而推選以副其平英主無所增中主無所損故

治革新遠軼三五矣此就君主立憲綜合言之而知中國之國體政體舍此更無他道也以上各種理由特就全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其言之痛切而有益於事勢也以決諸國民之公意而全國之國民代表亦涉人同此心同此理以相與有成使我五千年聖聖相承之君主國體回復舊觀各國盛行之立憲政治得所期望猗歟盛哉固係我國民程度之高而以國民組織國家以國民推戴君主開世界最新之特例留歷史無上之光榮試以此次改革與從前征誅之局相較征誅者克以武力彼此不免猜嫌非厲行專制之後難言民意此次改革純出於民意之協同全國上下共此一心憲政之進行法治之國家即可由斯也點再以此次改革與從前揖讓之局相較揖讓之授受終未能出自人民其君民之感孚恐不能異常融洽此次推戴純出於民意之愛戴君民之際不啻家人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之業願爲國利民福之良圖於國家根本問題則從速制定憲法定期召集民選之立法機關於國家行政事務則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之一切弊政如沿用閹人採選宮女以及拜跪奔走繁文縟節等等又已 明令聲明概從屏棄永懸厲禁併聲明總期君主稅政悉予掃除等因開國規模權輿於此上年十二月十三日國體既定文武官吏覲賀 皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不致避惟中國至大國事至重予以一手一足爲力幾何所望大眾同心協力犧牲一切以救國家庶足匡予不遠此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝為尊榮則國家必不保即大眾如視皇帝為尊榮則國家亦必危自今以後予與國民當共視為親
 薪嘗膽之日惟願各以國家為重以期共濟艱難若國體既改而於政治不能整理進行不俾予無以對我國
 民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將
 來政治進行必有以慰全國人民之希望二犧牲一切以救國則決定國體事件實關於國家之久安長治不
 關於一姓之安富尊榮三籌備典禮力削繁文必一洗數千年君主秕政之積弊四因國事艱難願萬衆同心
 協力即為實行立憲政治之精神此項鄭重宣言求之中西史乘均所罕覩凡我國民均應一德一心一德仰副
 聖懷矧自改元洪憲以來首 頒注重師範教育及警察法規之令凡所以為增進國民智識維持國家
 公安計者用意至為深遠而整理財政實行預算制度并以 明令聲明辦事者多節一分糜費即為國家
 厚一分財源并即為吾民養一分物力等因節用愛人之訓充足表示憲政精神至於國家政務應與應革事
 件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如
 果天佑中華行之十年必有治定功成之日溯自清末失政民罹水火想望治平不可必得良善者坐困國
 菽黠者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前
 絕後之法定國民代表大會以全國一致之公誠定萬年不拔之君憲而代行立法院復以全國國民總代表
 之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有
 責願各竭手足之能成此昌明之運國家幸甚國民幸甚特此通告
 洪憲元年一月十日

●三年及四年公債利息一月撥款安存銀行

購三年及四年內國公債票諸君請鑒本年一月份利息各十二萬元共二十四萬元現已收到並存於中國
 交通兩銀行登列公債利息項下預備屆時提撥特此奉聞
 中華帝國海關總稅務司內國公債局協理安格聯謹啟

●大律師李焜輝廣告

北京各級法院民刑訴訟及一切法律

為通告事外交官領事官考試令暨外交官領事官考試甄錄規則業於上年九月三十日奉 令公布十

月一日刊登政府公報茲本部定於本年四月間舉行甄錄試驗凡具有外交官領事官考試令第三條所規定之資格而願應考試者務於本年二月二十九日以前遵照外交官領事官考試甄錄規則第一條及第二條之規定填寫願書並履歷書附以所著論文並用英法俄德日本等一國以上文字之譯文送達本部其在本國或外國各學校畢業文憑或證明書一併送驗如係現居外省者准其將願書履歷書及論文譯文郵寄本部所有畢業文憑或證明書准於到京面試時補行送驗一俟甄錄委員會閱定後認為可受試驗者再登公報通知屆期來部面試特此通告

洪憲元年一月十三日

(願書式)為具送願書事今願應外交官領事官考試之甄錄試驗遵照外交官領事官考試甄錄規則第一條除親具履歷書附以論文並譯(某國)文送呈 察閱外所具願書是實(照甄錄規則第一條於英法德俄日本等一國以上文字之外如兼通其他外國文者併准其附送譯文於願書內註明)

洪憲元年 月 日 姓名 蓋章

(履歷書式)姓名現年若干歲某年某月某日生 一三代(註明存歿) 一籍貫(某省某縣人) 一住所(現居某省某縣某地) 一學業(自某年某月入某省某地或某國某地國立或私立某學校修某學科某年某月畢業得有畢業文憑或證明書) 一職務(自某年某月在某官署任某職或自某年某月受雇於某地某處所從事某項業務)

洪憲元年 月 日 姓名 蓋章

大理院書記廳廣告

本院所印判決錄等現有存書如欲購者可即赴本院收發處購取應收印工價列後
三年一月二月判決錄每本洋二角五分 三年三月四月判決錄每本洋四角 三年五月判決錄每本洋五角 解釋法律文件四五輯每本洋一角五分 外埠每本加郵費五分

●內國公債局催領三年內國公債第二期利息緊要廣告

照得內債付息所以重人民債權即以堅國家信用本局前於三年公債第二期發息之先曾將一切辦法摘要刊登京外中西各報通告各購票人速將到期息票屆時持赴各經理付息機關領取息銀在案現在時逾半載所付息銀雖已不少惟查中交兩行預備第二期付息之款計中國行尙存二十三萬餘元交通行尙存十三萬餘元均未經購票人取去以吾國募債風氣初開誠恐購票各戶尙有不明公債性質誤認爲一種愛國捐款到期不知取息者用特再爲申佈凡持有三年內國公債票尙未取第二期利息請各就近向經理付息機關早日領取萬勿延擱一而通各財界諸君出示催領外特再登報通告俾各周知

●通告中外商民人等

財政部爲通告事查雲南省現有亂黨擁兵謀叛難保不乘時濫發軍用鈔票希圖攫利亟應預爲宣布以免華洋商民行使收用自貽後累爲此登報通告華洋商民人等如果雲南省有亂黨發行軍用鈔票等物切勿行使如果收用將來中國政府不負責任勿謂言之不預也恐未週知特此通告

●永增軍裝局刺繡廠廣告

逕啟者自祭祀服章發表本廠即時成立專做各任冠服朝賀吉服女界禮服工精料美頗蒙顧客歡迎今更悉心研究創造繡金製品如各王公金花禮服陸軍軍警祭禮服金領袖章以及外交各部金花禮服均可照章繡做較諸舶來品有過之無不及並自造海陸軍警察各等禮服金肩章倫蒙光顧祈駕臨打磨廠西口內本號接洽可也

電話兩局五五四 又二二五二

●海軍部庶務科啓

昨據內左二區送來在路拾得木戳一箇文曰海軍部傳達處閱悉之餘不勝駭詫查本部所有收受文件向由本部號房傳遞其收據亦係用本部號房名義無設立此項機關該木戳不知從何而來除嚴行查訪外